

Տեսի եւ այլ երկու ճգնաւորս սուրբ վանաց սպասաւոր . հերք գլխոց եւ ամենայն մարմնոյն թաւացեալ, ծունկք եւ մատունք ձեռնացն կ'թուցեալ իբր զըզտուց ի բազում ծնրագրութեանց . եւ աչք նոցա կարմրացեալ յորդարտասուաց :

Էին եւ այլ ոմանք սպասաւորք վանաց , որ վասն սիրուն Քրիստոսի աղօր աղային . այլք հաց եփէին . եւ այլք այլ իմն ծանր բաներ եւ ծառայութիւն կատարէին եւ աղօթից անխափան կային . յամենայն ժամ եկեղեցին գտանէին . եւ ամենեքին ներքեւէ խոշոր չուլ ազանէին , ծածուկ եւ անյայտ ի մարդկանէ . զոր ես օր մի յանկարծ տեսի : Այսպէս եւ կարգաւորք , հարեղայք եւ մոնոզոնք խարազնագրեստ եւ չուանգօտի , քաղցիւ եւ ծարաւով զմարմինս հաշեալ եւ մաշեալ նման առաջին ճգնաւորաց , գոյն երեսաց թարչամեալ եւ գեղնեալ , մարմինքն սեւացեալ , սակրն ընդ մորթն կցորդեալ ի բազում ճգնութեանց , հսկմանց եւ տքնութեանց . ոչ բարձ , ոչ անկողին , ոչ վերարկու , այլ գլխիրաց եւ բոկոտն , ի վերայ փայտի եւ քարի դնելով զգլուխն՝ սակաւ նիրհէին :

Կային եւ այլ ժողովարարք , որ կոչին չավուչք , որ գիշերն ոտնակացութեամբ անցուցանէին . զի անդ գիշերն որպէս ի Լէհ՝ հինգ սահաթ է . եւ այլք թղթովք հետիոտս երե-